



R. G. ADAMS

Questo libro composto di librette  
trentanove ha un gran valore.

Il suo più gran pregio consiste nella  
lettera di Cristoforo Colombo in lingua  
Spagnola.



Thomas Randolph Adams


The John Carter Brown Library



GIFT OF

Thomas R. Adams







98-106-35



IN INSIGNE  
GENTILITIVM  
CLEMENTIS VIII  
PONT. MAX.


CARMEN

Bartholomæi Tortelletti Veron.




VERONÆ,  
Apud Hieronymum Discipulum.  
M D XCVI.












IN INSIGNE  
GENITIVUM  
CLEMENTIS VIII  
PONT MAX

Bartholomaei Tortorelli Veronensis



Apud Hieronymum Dilectum  
M D XCVI

PRJCB



CYNTHIO ALDOBRAND.

S. R. E. CARDINALI

AMPLISSIMO S. D. P.

Bartholomæus Tortelletus Veron.




**Q**UOD mihi de Illustrissimæ  
Familix vestræ Insigni Genti-  
litio anteaetis iam diebus in-  
ter plurimas domesticarum  
perturbationū procellas, tan-  
quam curarum solatium, excidit Carmen,  
id tibi Card. Amplifs. studiosorum homi-  
num Patrono, ac Mecenati studiosorum ip-  
se, nisi socius, at saltem amantissimus trado:  
Cui quidem si cæteris rebus defuero, hac sa-  
nè mihi non videbor defuisse, quòd eum vi-  
rum, cui dicaretur, eligere contigit mihi, à  
quo & me non parui fieri intelligo (hoc e-  
nim ex amicorum litteris agnoui, cum ad te  
de Torquati Tassi Poëtæ insignis obitu ali-  
quid mearum lucubrationum delatum est)  
& ad CLEMENTEM VIII Pont. Max ac  
integerrimū facilè ob sanguinis cōiunctio-



nem aditum nostro Poëmati paratū iri con-  
fido. Quamobrem quod per se neruorum,  
ac elegantiae minimum continet, & propte-  
rea vel nullam, vel exiguā laudem meretur  
id ab illo tecum approbatum, & plurimum  
ornamenti suscipiet, & maximam apud cæ-  
teros gratiam consequetur, ac tantorum  
Principum felicitatis fiet particeps, cui qui-  
dem felicitati si quicquam deest, non vestra  
culpa, sed temporum deesse censendum est;  
quo sanè singulari humanitatis tuæ benefi-  
cio cumulatus facere non potero, quin tibi  
perpetuò fatear me debere. Valc iij Non.  
Aprilis an. M D XCVI.







IN INSIGNE GENTILITIVM  
CLEMENTIS VIII PONT.  
MAX. CLEMENTISS.

C A R M E N.



TEMMATE quisquis in hoc vultu  
bis terna corusco  
Sydera, & auratum transuerso cor-  
pore signum,  
In morē Scale mediū quod diuidit astra,

Respicias, atque eadem Clypei testudine curua



*Cæruleo, ut Cæli, spatio, cum fortè serenum  
 Pura luce micat nebulis sub nocte fugatis,  
 Inniti, clavesq; super, Regniq; Coronam;  
 Id ne depictum euenta, & sine numine Divum  
 Credideris, vis multa subest, vis abdita fato  
 Illi, & pendendus rerum ingens clauditur ordo.*  
*Principio id CLEMENS veterum gestamen Auorum  
 Servavit (CLEMENS, humeris qui sustinet orbem  
 Iura ferens, Regesq; ipsos ditione coercens)  
 Indiciumq; domus antiqua à gente recepit  
 Clara armis, clara studijs, donisq; Minervæ,  
 Cuius tercentum Ausonide voluentibus annis  
 Virtutem stupuere viri Thyrræna per arua  
 Latè expandentem se se, totamq; replentem  
 Italiam, hinc ipsos nomen devenit Eoos,  
 Et quibus occiduum Phæbus lauit equore currum.  
 Sed tamen Heroum titulos, & facta priorum  
 Solus Aus maior superans, qui præsidet Vrbi,  
 Djs se vicinum tulit, & iam sidera carpit.*  
*Ergo auro Scalam obductam, quæ nititur alto,  
 Et triplici hinc, triplici inde Poli concluditur igne,  
 Censuerim Virtutis iter, quod ad æthera fuerit  
 Insignes vehere Heroas, Divumq; locare  
 Concilio, & dulci dignari nectaris haustu  
 Quoscunq; accensa sub corde cupidine pulchra  
 Egit amor superas per durum quærere sedes.  
 Quod verò picti facibus miscetur olympi  
 Semita, crediderim Clypeo non forte repostum,  
 Sed ducente Deo, veterumq; in pectora lapso,*



*Sive quod est Cælum, via quæ Virtutis, & astra,  
 Sive quod exorta est postquam labentibus annis,  
 Vis scelerum grauior, fraus, & male suada libido,  
 Et Virtus, & Iter, quo sydera celsa petuntur,  
 Indignata nefas, pestemq; perosa malorum  
 Terga dedere fugæ, & caput inter nubila condunt;  
 At CLEMENS, qui summa tenet, placitoq; potitur,  
 Optatam ad sedem gradibus non indiget ullis,  
 Nanq; animo superum tota comitante caterua,  
 Aethérios lustrat thalamos, & amæna vireta.  
 Præterea id mihi (si qua fidem obseruata merentur)  
 Obijcitur maius, quod tempestate coorta,  
 Dum medio in fluctu puppim sub nocte maligna  
 Nimbis agit circum, lateriq; affixus euntem  
 Prosequitur Notus, atq; erumpunt nubibus ignes;  
 Dumq; arma expediunt nautæ, votisq; fatigant  
 Cœlicolas pauidi, scopulo ne illisa ruina  
 Det sonitum, aut absorpta vadis in vertice pontum  
 Accipiat, vastaq; gemens se condat in vnda,  
 Strident commoti funes, ferit æthera clamor.  
 Si nubes inter pluuias in parte serena  
 Obijciat clara sydus se luce videndum,  
 Spem recipit positam, & Pelagus contemnit, & imbrē,  
 Illam equidem ex alto lumen, quò tuta sequatur  
 Edocet, & qua sub Cœli regione laboret:  
 Acclamant nautæ, & læti de puppe salutant;  
 Iamq; adeò accelerant manifesta per æquora cursum  
 Connixi, & portu gaudent se condere amato.  
 Haud aliter stellæ, signum quæ ex parte coronant*



Herois pictum Clypeo ( ni fortè videntur  
 Virtutes illum stipantes , aurea Diuùm  
 Relligio, tum cana fides , & conscia recti  
 Iustitia , & paribus figens vestigia plantis  
 Quæ dat CLEMENTI nomen , quibus ordine longo  
 Addunt se socias aliæ ) dum Marte frequenti  
 Pugnatur , scissaq; furit Discordia palla ,  
 Iræq; , inuidiæq; , & rerum vasta cupido  
 ( Pestis acerba virum ) toto bacchantur in orbe ,  
 Vsq; adeò diris vertuntur secula bellis ,  
 Criminibusq; nouis luimus pro crimine pœnas ;  
 Dant lucem , & magno iactatos aquoris astu  
 Hortantur reuocare animos , & ponere curas .  
 Ipse quidem instanti Pater occurfare ruina  
 Nititur ; anne vides populos miseratus , & Vrbes ,  
 Quà impatiens voluit turbatas Ister arenas ,  
 Percussas bellis , & viribus hoste minores ,  
 Vt Latio lectas acies , magnumq; Nepotem  
 In Tyrios , Lelegasq; feros , Thracumq; cohortes  
 Miserit ? ut fortes operi coniungere Gallos  
 Cogitet aduersos adigens in fœdera Reges ?  
 Scilicet ut caci furij's flauentia culta  
 Partim ipsi Indigena , partim de sanguine Ibero  
 Combussere diu , populatiq; arua fuere ,  
 Et tumulos atauùm , & cineres lauere cruore ,  
 Perpetuò sparsi ne rorent sanguine vepres ,  
 Nec patria malè tuta domo pulcherrima virgo  
 Vsq; sit , & cæsis squallescat terra colonis ;  
 Coniungatq; utinam , siquidem complexus amicè



Conspicuum sceptro Regem, & felicibus armis  
HENRICVM nuper scelerata labe pianit.  
Sic qui non iuste parto letatur Auorum  
Imperio, viresque Orientis, & ense minaces  
Mittit in arma Scythas, ritu queis rita ferino,  
Poneret audaces animos, & clade recepta  
Præcipiti dare terga fuga, Lybiæq; repostis,  
Aut Asiæ ignota regnis caput abdere terra  
Suspirans, serosq; trahens inglorius annos  
Tentaret, sylvas Arabum, sæcundaq; Nilo  
Culta, & palmiferam nos tonderemus Idumen.  
Vos saltem Ausonidæ stricto fortissima ferro  
Pectora, vel iactu plumbi liuentis ab ære,  
Nam vis in vobis, & spes non parua recumbit,  
Et vestra in primis fama est virtute prehensas  
Pannoniæ cæsis validas custodibus arces.  
Seruate Imperium propè lapsum, atq; oppida capta  
Multa dolo, armorum numero, & formidine multa,  
Barbarus ut pauidos exercitus ibat in hostes,  
Reddite: Thrax opibus nostrorum ipsoque potitus  
Sanguine, dum partis semper cupit addere rebus,  
Securus regno colitur, dapibusq; paratis  
Regifico luxu, & placida sub nocte quiete  
Deiunctos ridens fruitur, gaudetq; tueri  
Dura pati gentem captiuam, & saua sonare  
Verbera, dum liquido luctantur marmore tonse  
Christicolis actæ, & verrunt freta salsa carina,  
Aut per crudeles terras genus omne laborum  
Seruitio indignum duro miserabile vulgus



Exercet : pars ponderibus subiere ferendis  
 Triste ministerium ; pars capta per oppida Cælo  
 Turrim educentes , & propugnacula belli  
 Fundamenta locant , manibusq; aduoluere saxa  
 Intentant glomerati , & marmora dura secare :  
 Sunt & qui longa amotos statione coacti  
 Humentes hausere lacus , lapidesq; recoctos  
 Aspergunt , illi bibula miscentur arena :  
 Subijciunt humeros alij , tractuq; rotarum  
 Intendunt manibus funes , & stuppea collo  
 Vincula delecti montem vectare recisum :  
 Sunt qui taurorum similes infringere glebas  
 Agricolis studeant , versare & vomere terram :  
 Stat circum scelerata manus , cinctiq; flagello  
 Ore tonant , quatiuntq; miserrima terga magistri ;  
 Illi pallentes suppresso murmure vocis  
 Dant gemitum , stridet ferrum , tractaq; catena ,  
 Aesque datum collo circum . Vos talia Thraci  
 Instaurate , ferum nulla est iniuria lædi  
 ( Si tamen est fas Christiadum seuire catenas )  
 Olli ingens matrum numerus , pars maxima quarum  
 Pingere acu vestes edocta , & texere telas ,  
 Pars forma insignis , plenisque optabilis annis  
 Nigrantes effert oculos , & lactea nudat  
 Colla , & vafanos gradiens exurit amantes :  
 Olli magna virum series , delecta iuuentus  
 Ad bellum fixo gestans hastilia ferro ,  
 Nec non fulmineas moles ex ære cauato ;  
 Est & qui longè iaculo , versisq; sagittis



*Fidat, qui tereti in pugnâs acerrimus hasta,  
Dum clamor Cælo, & turbata it nimbis arena,  
Irruat, alipedes domitant in puluere multi;  
Hos dare captiuas omnes in vincula palmas  
Cogite sortiti in patriam quem quisque sequatur,  
Et nati, natisque comes Regina Tyranni  
Gestamen capitis, pallamq; exuta superbam  
Nil maior nuribus discat parere Latinis,  
Expurgetque lares, & verset pollice fufum.  
Iamq; absit timor omnis, eum in certamine primo,  
Vere nouo demens ineat si prælia coram,  
Fractum animo, atque fuga celeri cernetis euntem,  
Omnes barbarici conuertent terga manipuli.  
Sit mens omne malum populo, qui cura Deorum est,  
Omne nefas vestris abolere, & dedecus armis.  
Ecquis erit finis letandi, arasq; sacrandi  
Cœlicolum Regi, atque intactæ ex ordine Matri,  
Cum dabitur patrias remeare potentis ad oras  
Hesperia vita, & spolijs ex hoste retractis?  
Quàm vos & victum, & mores meminisse iuuabit  
Castrorum, & magnis vitam obiectasse periclis,  
Germanis quò parua salus, atque omnis ademptus  
Finitimis nobis timor esset, & otia tuta  
Quisq; terat nullo concussus turbine belli,  
Quà vel sublimes habitat de more penates,  
Nectareasq; haurit pateras, vel viuere paruo  
Assuetus, tectoque humili securus auito  
Exigit occidua data tempora dulcia vita.  
Purpuream gemmis chlamydem persusus, & auro*



Vester enim Ductor plausu in Romana receptus  
 Ostia gaudentum, & tendentum ad sydera palmas  
 Ibit euans, curruque agitabit lora secundo,  
 Auratisq; in equis aderunt, portasq; subibunt  
 Semidei tot iam reduces, Proceresq; minores,  
 Quos studio effusa matres, & nubilis aui  
 Spectabit Virgo, cacosq; fouebit amores.  
 Cetera vos legio victrix, latique manipuli  
 Induti exuias Asia gaudebitis illos  
 Ponè sequi, & patrijs laribus cum coniuge chara  
 Vi procul armorum seros implebitis annos;  
 Ipsa sibi aeternam statuet Pax aurea sedem.  
 Nec vos pratero (ratio est si qua indita) belli  
 Magnum robur Equi, nam vos & motus habena  
 Stare loco haud faciles, & flantes naribus ignem  
 Excitat, & litui sonitus, clangorq; tubarum;  
 Vos quoque militibus pugna ne parcite capta  
 Threycijs, dum figit Eques calcaribus armos,  
 Irruite, & densas acti turbate phalanges,  
 Et moriens campis agmen grauis ungula passim  
 Proterat, infensi meritas dent sanguine pœnas,  
 Nec mora, nec requies, donec tanquam aggere facto  
 Decussaq; iubæ galeis, populataq; rapto  
 Corpora thorace, & sine milite militis arma  
 Vim spatijs latè vestram testentur apertis;  
 Nec minimum expectate decus, non ærea nanque  
 Pondera erunt vobis, phaleris sed murice tinctis  
 Instrati, & ramo cincti felicitis oliuæ  
 Victorum insignem numerum, pubemq; feretis



*Ausoniam, pulsata gement hinnitibus astra,  
 Nec non paciferae volitabunt vertice crista,  
 Et collum auratis subnectent cingula bullis.*  
*Sed quis me rapuit Deus, atq; his vocibus egit  
 Semotos longè à nobis, quà labitur Ister,  
 Compellare viros, & saeuum pectus equorum?  
 Nunc igitur si vera tuli, si magna rependi,  
 Solum Pastorem populi, cui ianua Caeli  
 Panditur, & poterit mensis accumbere Diuum,  
 Signa hæc insigni decuit gestare paterno;  
 Et cum Rex superum venturi præscius cui  
 Ante mare, & terras, & clari lumen olympi  
 CLEMENTEM Patrum numero delegit ab omni;  
 Cui Styx, cui tellus pareret, & arduus aether,  
 Hanc quoque signorum speciem, Clypeumq; putarim  
 Delegisse viro, proauisq; dedisse vetustis,  
 Auspicijs quisque ut letis, atque omine fausto  
 Ad superos gradibus posthac edisceret aureis  
 Affectare viam, & spem carpere posset ab astris.*  
*Dij Patrij, quorum Tyberis sub numine sancto,  
 Et Latium, seruate Senem, seruate Nepotes  
 Indutos ostrum geminos, sanctamq; tiaram  
 Magnam eius requiem, magna duo lumina Roma,  
 Quos adeò incertum est tantisne à rebus honorem  
 Accipiant, addantne magis, certentne vicissim;  
 Nec non Ductorem vobis sit cura tueri  
 Iis animo similem, & consanguinitate propinquum,  
 Eoas acies Italo qui Marte fatigat  
 Bellipotens, ea perpetuis, ea fœdera sunt*



*Legibus, ut quisquam praesentum è sanguine claro,  
Vlli dum dabitur caeli conuexa videre,  
Purpureus tyrio aut humeros veletur amictu,  
Aut praesit bellis, aut temperet arduus orbem;  
Annuite, & nostro id faciles concedite voto.  
Et tu non vllis, CLEMENS, infracte periculis  
Euentus rerum faustos, cursumq; secundum  
Sperato, properant (ni me sententia fallit)  
Altera depositis per te aurea secula bellis.*

AD EVNDEM CLEM. VIII  
SUMMVM PONTIF.

**V**ENTVM erat ad tempus, quo te nisi fata dedissent,  
Nutabant multo secula nostra metu;  
Nam quae tot Patres, capiti quibus alta Tiara,  
Sustulit haud longa Mors inimica die,  
Vt te conspexit regnorum Insigne gerentem,  
Non ausa est tantum perdere victa virum.  
Hinc nil mirandum, metuat quod Barbarus Hostis,  
Quem metuit quouis Mors magis hoste potens.  
Sed quid fecisset, si appellarere Seuerus,  
Qua te CLEMENTEM nomine turba timet?





AD CYNTHIVM ALDOBRAND.

CARD. AMPLISS.

**I**ACTET Roma vetus Capitoli ingentia saxa,  
Templa, Magistratus, regna subacta, Duces,  
At noua, dum resides, CYNTHI, ad Tyberina fluenta,  
Sole sibi à gemino gaudeat esse diem;  
Nanque ea mortalem peperere haud optima laudem,  
Hoc diuinum olli donat habere decus:  
Tantum ornat tua te virtus, vatesque tueri  
Phœbi instar, tanta luminis auget ope.  
Adde his canitiem, iam tu dominaberis orbi,  
Quique es Sol alter, Iuppiter alter eris.

AD PETRVM ALDOBRAND.

CARD. AMPLISS.

**Q**VIS te, PETRE, canat Romani cura Parentis  
Maxima, quem clarus murice pingit honos?  
Nam Patruo similis virtutis imagine, nomen  
Fers etiam, cuius nunc gerit ille vices:  
Atque hoc censuerim quemquam fecisse Deorum,  
Pulchra ut venturos falleret arte viros,  
Scilicet haud credent, aderit fors ultima quando  
CLEMENTIS, viuo te perijssè Senem.





AD IO. FRANCISCVM  
ALDOBRANDINVM

Pannonico bello summum Italorum Ductorem  
Inuictissimum.

**F**AMA est Threycijs, ubi quondam Regna Lycurgi,  
Bellorum fausto numine adesse Deum;  
Et tamen ille Urbem, & Capitolia celsa tuetur,  
Urbem eius nati quam posuere duo;  
At nunc, ut Thraces contra Tyberinus in arma  
Miles ijt, recipi regna ut auita queant,  
Illum cui credam virtutem in praelia genti  
Addere? quam versa deseruisse vice?  
Quicquid sit; si stat pro Italis, agit omnia tecum  
Mars; si pro aduersis, Mars ades ipse tuis.

FINIS.




17


ni

48
















~~H595~~

~~N4795~~

~~V. I~~

J595

N4795

V. I



*1. 10*  
*Op*